

# Ленинэнь киява

ВЛКСМ-нь Мокшэрэнь обкомонь ды Сарансконь ошонь комитетэнь газетаст

МАРТОНЬ

4 чи,

1937 ие

№ 26 700

ЛКСМ 7-дн ие  
ЧИНЬ 1937

## ДОНБАССОНЬ УГОЛЬНОЙ ДЫ МЕТАЛЛУРГИЧЕСКОЙ ПРОМЫШЛЕННОСТЕНЬ СТАХАНОВЕЦТНЭНЬ, УДАРНИКТНЭНЬ ДЫ ХОЗЯЙСТВЕННИКТНЭНЬ ОБРАЩЕНИЯСТ

Донбассонь угольной ды металлургической промышленностень стахановецтэ, ударниктэ ды хозяйственниктэ Союзонь угольной ды металлургической промышленностень весе рабочейтнэнь ды работництнэнь, инженертнэнь, техниктнэнь ды хозяйственниктнэнь тейсть тердема организовамс стахановской движениень од касовкс социалистической пелькстамонь од касовкс ды сехте нурька шкасто целанек ютавтомс тевс Орджоникидзе ялгань заданиянзо—максом масторонтень 250 тышат тоннат донецкой уголия, 60 тышат тоннат сталь ды 45 тышат тоннат прокат зрьва суткастонть.

Ленинэнь—Сталинэнь ине партиятень, Советской Союзонь трудиятнэнь,—корты обращения, —теевсь покш емавкс. Арась минек ютксо Орджоникидзе ялгась. Тусь юткстонок минек вечкевикс, родной Серго, пролетарской ине революционерэсь, сталинской эпохань вадры ломантнэстэ сех вадрысь.

Кшинь наркомонтень Орджоникидзе ялгань сехте вадры памятникекс карми улеме се заданиянть топавтомазо, конань аравтнэзе минек икелев, металлургтнэнь ды угольщиктнэнь икелев Серго ялгась.

Партийной ды аволь партийной инженертнэнь, техниктнэнь, стахановецтнэнь, ударниктнэнь ды весе рабочейтнэнь долгост эшо седеяк кемест пурнам эсь рядтнэнь Ленинэнь—Сталинэнь партиянь перька, педе-пес таргамс лангс ды педе-пес маштомс вредительствань меелькстнэнь, педе-пес таргамс лангс ды маштомс народонь сьодозь

врагтнэнь, родинань подлой предательтнэнь, капитализмань реставратортнэнь ды фашизмань агенттнэнь—троцкистнэнь, зиньевецтнэнь ды сынт союзникст—вить отщепенецтнэнь.

Минь должны сядоксть кепедемс большевистской бдительностенть, седе сэрей таркас кепедемс большевистской самокритиканть, решительнасто ды атак лоткс таргсемс лангс врагтнэнь, ды кияк лангс атак вано лоштыамс ды маштомс близурокостесь ды а велявтневема чись, эсь прянь оймавтоманть, эсь прянь шнамонть, зазнайстванть ды подхалимстванть. Минь должны одс ванжомс технической проектнэнь, расчетнэнь ды сметатнэнь, конатнэнь веньствнэзе эсь кеденз вредителесь.

Минь мердяно являвтомс стахановецтнэнь ды ударниктнэнь рядтнэнь командиртнэнь ды ударниктнэнь орджоникидзенской од призыв.

Тердяно угольной ды металлургической промышленностень весе командиртнэнь ды рабочейтнэнь тевсэ кемекстамс минек предложениянок, ды кемтяно, што угольщиктнэнь ды металлургтнэнь боевой армиясь, конань кастызе минек партиясь, социалистической хозяйстванть туртов уголиянь ды металлонь од тышат тоннасо, од тышат каставт стахановецс карми тееме памятник минек мазый родинань большевистской богатырентень, Стака Промышленностень славной командирэнтень—Серго Орджоникидзе ялгань.

Обращениянть ало—300 подписть, сынт ютксо Алексей Стахановонь, Макар Мазаевонь, Мирон Дюкавовонь подпист.

## Боевой заслугань кис—Якстере знамянь орден

Кандратьев ялгась служась Якстере Армиясо. Сон ванстась минек ине родинань границанзо Вассоло чл лисема ено. 1936 иень ноябрынь 26—27-це читнестэ японской агентнэ—войнань кирвастицятне границань трокс эдекшнест советской мода лангс. Якстереармеецтнэ макссть тест кеме отпор, японской агентнэ панезельть минек масторонть лангсто. Самай сестэ ранязель ды мейле кулось Се-

мен Лагода. Сестэ жо Кандратьев невтсь покш самоотверженность, боевой смел-чи ды героизма. Тень кис СССР-нь ЦИК-есь Кандратьев ялганть казизе Якстере знамянь орденсэ.

Ней Кандратьев ялгась сась Атяшевань районэ эсист велев. Сон эз пек парсте вастызь Атяшева велень колхозниктнэ, партийной ды общественной организациятне.

## КОМАНДИРТНЭ ДЫ ЯКСТЕРЕАРМЕЕЦТНЭ-ПОГРАНИЧНИКТНЭ КАЗЕЗЬ СССР-НЬ СОЮЗОНТЬ ОРДЕНТНЭСЭ

СССР-нь Союзонь Центральной Исполнительной Комитетэсь тейсь путовкс СССР-нть государственной границанзо ванстомсто доблестенть ды героизманть кис 30 командирэнь ды якстереармеецэнь пограничникэнь каземодо.

Ленинэнь орденсэ казезь Евграфов В. М. лейтенантось ды отделения командирэсь Киселев И. Ф. Якстере знамянь орденсэ казезь 12 ломанть, Якстере тештень (Красной звездань) орденсэ—16 ломанть.



1936 иень февралень 21-це чистэ Бурят-Монголиянь вете тейтерне комсомолкатне ушодсть Улан-Удэ—Москов маршрутонь коряс сокс лангсо молема. Февралень 20-це чистэ отважной лыжницатне ульнест Казаньсэ.

Снимкасонть: Сокс лангсо молемань участницатне (керш ендовитев) Лиза Константинова, Настя Сункуева, Соня Тихеева, Вера Любимская ды Маруся Хахалова.

(Союзфото.)

## Коноплеводческой звенатнень республиканской пелькстамодо

МАССР-нь СНК-нть ДЫ ВКП(б) нь ОБКОМОНТЬ ФЕВРАЛЕНЬ 22-це ЧИНЬ ПУТОВКСОСТ

Шнамс „Красный Октябрь“ колхозонь Печказова Мариянь стахановской коноплеводческой звенанть инициативанзо республиканть келес коноплеводческой звенатнень ютксо соцпелкстамонь аравтомадо, штобу те иестэнтэ получамс гектарстонть 15 центнерт южной мушю. (Печказовань звенанть сермазо печатазь „Красная Мордовия“ февралень 20-це чистэ).

Кармавтомс райисполкомтнэнь ды ВКП(б)-нь райкомтнэнь, земельной органтинэнь, первичной парт-организациятнэнь ды колхозтнэнь, организовамс Печказова Мариянь звенанзо серманть толковамо республикань весе коноплеводческой звенань колхозниктнэнь ды колхозницатнэнь ютксо, теемс сень, штобу сынь сьолмавост мушконь ды лиянзонь покш урожаень саемань соцпелкстамонтень.

Совнаркомось ды обкомось тешкстыть коноплеводческой звенатнень ютксо соцпелкстамонь келейгавтоманть пек покш важностензэ, технической культурань

урожаень кепедемань весе работасонть.

Шнамс „Красная Мордовия“ газетанть предложениянзо седе, штобу мартонь 5-це чистэ редакция совещаниясь тердемс коноплеводческой звенань сехте вадрыть 7—10 звеноводкат сень кис, штобу роботань сынт опытэст максомс Мордовиянь весе коноплеводчнэнь.

Кармавтомс МАССР-нь земледелиянь наркомонтень Еремеев ялганть нолдамс те совещаниянть ютавтомо зрявикст ярмакт. Майста ды августсо кунсолонь „Красная Мордовия“ редакциянь ды Наркомзементь седе, кода моли покш урожаень саемань кис борожямонь коноплеводческой звенатнень ютксо соцпелкстамось.

Те путовксонть печатамс республикань ды райононь весе газетатнесэ.

МАССР-нь Совнаркомонь председателесь Козиков, ВКП(б) нь обкомонь секретаресь Прусаков.

## ВЕСЕ ТРАКТОРИСТКАТНЭНЭНЬ

МАССР-нь Наркомземесэ ды ВЛКСМ-нь обкомось пачтить, што трактористкатнень республиканской совещаниясь, конась ульнест аравтоз панжомс те иень мартонь 5-це чие, панжови мартонь 12-це чистэ.

МАССР-нь Наркомземесэ, ВЛКСМ-нь обкомось.

## ТОНАВТНИТЬ КОНСТИТУЦИЯНТЬ

Инсаронь район. Ст. Верхисенской аволь полной средней школы 23 комсомолецтэ кеместэ ды парсте тонавтиять СССР-нь од Конституциянть. Теде башка сынь якить политграмотань кружоконь занятиясь. Учитель-комсомолецтэ тонавтиять минек большевистской партиянь историянзо.

Ив. Пузаков.



# ПАРСТЕ АРАВТОМС АНТИРЕЛИГИОЗНОЙ РОБОТАНТЬ

Аволь весе народось вейкедствэ вастызе поптнэнь ды лия церковниктнэнь кочкамонь праватнэнь максомодо пуюксонть. Ламо пингень перть ломаньтнэнь ютксо пурнавствэ а паро мельгэ поптнэнь ды церковниктнэнь каршо. Секс Конституциянь проектанть толковамсто ламо кортасть седе, штобу а максомс кочкамонь прават поптнэнь. Те витевксэнь каршо пек кеместэ кортась Советнэнь 8-це С'ездэнь эсинэ ине докладсонзо од, ине Конституциянь теицясь Сталин ялгась. Сон мерсь, што

...Советской властэсь саинзе кочкамонь праваст аволь трудовой ды эксплуататорской элементнэнь а пингедэ-пингес, ансяк шкас, создаь шка видьс. Ульнесь шка, зярдэ неть элементнэ ветясть народонть каршо наывонь война ды мольтэ советской законтнэнь каршо. Синст кочкамо праваст саемадо советской законсь ульнесь те каршо молеманть лангс Советской властэнь ответкс. Теде мейле ютась аволь а ламо шка. Ютазь шканть перть минь теинек сень, што эксплуататорской класктнэ маштозь, Советской властэсь жо теевсь а изиявицэ винокс. Эзэ са ли шка ванномс те закончоть одов? Мон арсян, што шкась сась. Кортыть, што те опасна, секс што могут энемс масторонь верховной органтнэс советской властэнь враждебной элементт, кой-кит икелень белогвардеецтнэсь, кулактнэсь, поптнэсь ды лият. Но мезде жо собственно тесэ пелемс? Вержиздэ пелемс, вивев аякамс. (Залсонть весела оживления, вивев аплодисментт). Васень, цекс, икелень кулактнэ, белогвардеецтнэ эли поптнэ аволь весе враждебной советской властэнь. Омбоцекс, бути народось кой-косо кочкиак враждебной ломанть, сестэ те карми невтеме, што минек агитационной роботась аравтозь ковгак а маштовиксстэ, ды минь виде-паросто заслужили те позоронть, бути жо минек агитационной роботась карми молеме большевистскойс, сестэ народось а нолдасынзе эсь верховной органтнэс враждебной ломаньтнэнь. Значит, эряви роботамс, аволь нернемс (вивев аплодисментт), эряви роботамс, но а учомс сень, што весе карми улема максозь аноксто административной распоряжениянь вельде".

Сталин ялганть неть сырнень валонзо эривить пуюмс икеле пелем весе минек роботанть основакс.

Арастьменьгак кавтоломат сень коряс, што кой-контцерковниктнэ арсит седе келейстэ толковамс эсист лезэс сеть праватнэнь, конат тест максовит Конституциянь коряс ды тосо, косо комсомолонь, СВБ-нь ды лия организациятнэ стувтызь эли лавшомгавтызь антирелигиозной роботанть, тосо арсит ветямс ды кой-косо ветить эсист роботаст церковниктнэ. Саранскоень районсо Куликовка велесэ икелень маляшкатнэ ды эрва кодат лиякликушатнэ якить велева ды пурныть ярмакт од церкувань строямс. Комсомольской организациясь жо а вети антирелигиозной кодамояк работа ды лови, што ветямска а эряви секс, што тосо бую арасть пазнэнь озныцят. Атемарсо жо те весь пачкодсь сенень, што сонсь комсоргось эйкакшонзо лемдизе церкувасо. Краснослободской районсо Шаверки велесэ Корнушков

И. Я. евангелистэсь вети покш работа сеть тейтертнэнь ютксо, конат сакшныть сонзэ кудос посиделкав. Ромодановань районсо Лада ды Ромоданова велетнесэ баптистнэ ветить од ломаньтнэнь ютксо контрреволюционной роботы.

Минек Мокшэрзянь республикасонть атак пекста эщо сядо церкуват, конатнесэ церковниктнэ ветить сеземань коламонь роботаст. Теде башка церковниктнэ ды враждебной лия элементнэ ветить контрреволюционной роботаст сеть велетнесэяк, косо арасть церкуват.

Весе вере евтасэсь корты седе, што комсомольской организациятнэ, васняк жо ВЛКСМ-нь обкомось ды райкомтнэ а ветить религиозной кодамояк работа ды пеклавшосто аравтозь од ломаньтнэнь ды эйкакштнэнь ютксо воспитательной роботась. Антирелигиозной пек берянь роботадонть корты сеяк, што минек республикасонть улит СВБ-нь ансяк 385 ячейкат, конатнесэ весемезэ 5750 ломанть.

Антирелигиозной роботастонть эривить панемс сеть ломаньтнэнь, конат сонзэ ветить ланга-прява, аволь домкасто. Эряви парсте толковамс сень, мекс минь бороцятно религиянь каршо, мезьсэ ме-

ши религиясь социализмань строямонть, мезьсэ сон моли наукань каршо, кинень сон максы лезкс, кие сонзэ кис моли. Теке марто вейсэ эряви невтемс, кодамодо ролезэ религиянь капиталистической мастортнэсь.

Антирелигиозной пропаганданть ды агитациянь эряви ютавтнемс конкретнойстэ. Минек масторсь бороци Сталин яланть лозунгонзо топавтоманть кис, штобу велень хозяйствась максоволь 7—8 миллиардт пондот суро. Секс минек эряви эсинек антирелигиозной роботасонк невтемс, што те тевсэнь пазнэнь озномась, молебонэнь ютавтнемась ды религиозной лия обрядтнэ овси а лездыть. Минек эряви невтемс, кодамодо покш зыян тейнить религиозной праздниктнэ ды аволь наукань невтевксэнзэ коряс, но икеле ладсо церковниктнэнь календарест коряс велень хозяйствань роботатнэнь ветямось.

Комсомолонь организациятнэнь кодак а эряви стувнемс сень, што: „ВЛКСМ-сь цидярдозь евтни од ломаньтнэнь суевериянь ды религиозной предрассудкатнэнь зыяност. Тень кис организационной специальной кружокт ды лекциянт антирелигиозной пропаганданть коряс". (ВЛКСМ-нь программасонзо). М. Л.

## Мездеяк ай арсия комсорг

Ардатовань район. Омбоце Манадыш велень комсомольской организациясь мекскак а тейни. Зярдэ комсоргокс кочкись М. Н. Кузьминэнь—седе мейле весткак эзь ульнэ вейкеяк промкс. Вейкеяк комсомолец а топавты кадамояк поручения. ВЛКСМ-нь программанзо ды уставонзо, СССР-нь од Конституциянь эзизь ловно, эзизь тонавтнэ, а содасызь. Воспитательной работа арась.

Зярыя од ломанть совиксэльт комсомолс ды сын тенень достойнойт. Кузьминэнь жо арасть аноктанзо ды кодак тензэ а пурнави промкс.

Кузьминэнь кочкись комсоргокс ды сон лови, што ней тензэ можна мекскак а тейнемскак ды кодамояк работань ветямодояк ай арсемс.

Н.

## КАСТАМС ДОСТОИНОЙ СМЕНА

Малав ие ютась ВЛКСМ-нь Весесоюзной X-це с'ездэньтнэ мейле. Эщо умок с'ездэньтнэ икеле Сталин ялгась основной, решающей задачка аравтызе од ломаньтнэнь коммунистической воспитаниянь. С'ездэсь тешкстась ленинской комсомолонть весе роботанзо одс аравтомань практической кит. Сон примизе комсомолонь од программанть ды уставонть—социализмань пийгень неть пек вадра документнэнь.

Од ломанесэ, коммунистической обществань весе енкстнэнь марто а появи атак учо, а касы сонсь, а пры менельстэ. Минек родинань ине задачатнэнь ды цельтнэнь достойной сменанть воспитаниянзо кис бороцямодо тердэз ленинской комсомолось. Од ломаньтнэнь ды эйкакштнэнь коммунистической воспитаниясь комсомолонть весе роботасонзо ашти зэмэкс ды содержаниякс. Комсомолонть арась лия, седе важной задачка, кода од ломаньтнэнь воспитаниясь, наукань ды техникань весе отраслятнэнь тонавтнемась, науканьтнэнь эйстэ наукань—Марксизманть—Ленинизманть тонавтнемазо.

Тень ней комсомолонь активесь чаркодизе. ВЛКСМ-нь Центральной Комитетэсь кеместэ ды настойчивойстэ велавты комсомолонь аппаратонть воспитательной, пропагандистской роботанть енов. Комсомолось получаь партиянь историянь коряс од программа, анокстави программа политкру-

жоктнэнь туртов, сермадовить учебникт, седе вадрясто моли пропагандистнэнь анокстамось. Но весе тень пингстэ пропагандась, од ломаньтнэнь коммунистической воспитаниянь прок основной кельенксось те шкас яла эзь сае решающей тарка комсомольской организациятнэнь роботасост. Лиянэнь видекс-чинзэ ловоманть эйстэ сонзэ тевс ютавтоманзо видьс, пропагандань задачатнэнь важност ловоманть эйстэ од ломанень массатнэнь ютксо кропотливой роботанть видьс, кода неяви, юткось аволь вишкине.

Резолюциятнеде, постановлениятнеде, од ломаньтнэнь воспитаниядот ды пропагандадонть писистэ кортамотнеде—комсомолсонть аволь аламо. Ламо активист капшить уш кулян пачтямодо „здвигнэде“, „велиавтоманть“ ды седе, што комсомолетнэ сядо процентс саезь политшколасо. Комсомолонь кой-кона руководителтьне капшить рапортовамо ВЛКСМ-нь Весесоюзной X-це с'ездэньтнэ решениянзо топавтомадо. Комсомолонть туртов арась мезеяк седе зыянов, кода васень, а покш изиявкстнэде прянэ шнамось. Арась мезеяк седе зыянов, кода тонавтнемадонть общей цифратнэнь ды сводкатнэнь эжкстэ тевентэ а неемась, неть деталтьнэнь а неемась, конаньстэ тееви воспитательной роботась.

Сводкань, резолюциянь сермадомась ков седе шождыне, те тевесь аволь стака. Примеркс, белорус-

## Бекшаев колхозникенть библиотеказо

Чамзинкань район. Кшумандя велень колхозникенть П. Г. Бекшаевень кудозонзо седесть совсиль ламо сыре аят, од ломанть. Те кудось весе велесэнь—сехте содавикс. Ловномо маштыця эрва ломанесэ бажит тово молеме. Бажить тово молеме сетнеяк, конат зярдояк эсть сайнеяк кедезэст книгат.

П. Г. Бекшаевень эсинзэ кудосо ули покш библиотеказо. Сталинэнь „Вопросы ленинизма“ ды политической лия зярыя книгатнэнь ваксо Пушкинэнь, Гоголенэнь, Некрасовонэнь, Толстоенэнь, Горькоенэнь, Шолоховонэнь, Фурмановонэнь, Фадеевонэнь произведенийст. Сонсь Бекшаев пек вечксы художественной литературы, сонзэ библиотеказонзо арась вейкеяк книга, конань бу сон аволизе ловно. Бекшаев ловны ды тонавтни Сталин яланть трудонзо. Сон получи ды ловнокшны газетат.

Эсинзэ библиотеказонзо Бекшаев максни книгат колхозниктнэнь ды од ломаньтнэнь. Сетне-нэнь, китэ сермас а содыть, Бекшаев ялгась эсинзэ кудосо сонсь ловнокшны. Бекшаев седесть сайни книгат районной библиотеказонть, меельсэ шкастонть ловнось Чернышевскоень, Жуковскоень, Жуль Вернэнь произведенийт ды Николай Островскоень „Как закалялась сталь“ романонть.

И. П. Суслин.

## ПВХО-нь значок

Чамзинкань средней школань тонавтниятнэ максыть нормат ПВХО-нь значок лангс.

Февралень 23-це чистэ уш сын сокссо противогаз марто якасть вивев. Теде башка весе тонавтиятнэ, конатне анокстызь праст значок лангс нормань максомодо ютасть газовой камерантьпачк

ской организациясонть руководителтьне ловить, што велень районтнэсь политтонавтниемас саезь 47 тышат ломанть. Цифрась покш. Варштадо седе вадрясто тевентэ лангс, ды лиси, што неть 47 тыща ломаньтнэстэ малав педест комсомолетнэде а якить занятия.

ВЛКСМ-нь Весесоюзной X-це с'ездэньтнэ решениянзо топавтомадо сводкань, рапортонь максою капше комсомолонь казахстанской крайкомоськак. Тосо уш аплодировить комсомолонь руководителтьнэнь, политшколатнэнь, пионерской отрядтнэнь мерить крайкомонь секретарентэ Ташти-товонь лемсэ. Мезде жо, кевкстневи, максомс рапорт, зярдэ ансяк алмаатинской организациясонть 4 тышат комсомолетт овси а тонавтит, зярдэ седе ламо политкружоктнэсь ютась иенть перть ютавствэ колмониле занятия, зярдэ тесэ арась пропагандистнэде кодамояк мелявтома, истят, мереде евтамс, комсомолетнэ, конатне шныть атак вилде мелень ваноманть ды конатне стувтнесыз скромностэнь, мезеяк, зыяндэ башка, од ломаньтнэнь воспитаниянь тевентэнь а кандыть.

Меельсекс зяроксь ульнесь сермадозь, кортазь комсомолонь горьковской организациясонть идейно-воспитательной роботанть игнорированиядонзо. Тесэ комсомолонь вейкеяк ответственной роботник непосредственно а роботы пропагандань тевсэнь. Обкомоя секретарьтнэ Белобородов ды Ловен ялгань, конат лововить выс-



## Юртайкинэнь позорной тебезэ

П. Березникень район. Пермиэ велень первичной комсомольской организациясонть комсомолецтнэнь ютксо политико-воспитательной робота арась. Комсомолецтнэ сень таркас, штобу бороямс религиянь предрассудкатнень каршо ды ветьамс антирелигиозной робота велесэнтэ, сынсь эщо невтити ковгак а маштовикс позорной пример. Вама сайсынек М. Юртайкин комсомолецтнэ, кона якась венчамо церкковав. Но те аволь комсомольской поступканть первичной комсомольской организациясь ды комсоргось Ильякаев ютызь вакса.

Пионер.

## Теде Паршин ладсо

Инсаронь райононь тракторной школасонть роботы ОСО-нь организация. Васня эйзэнэ совасть 65 члент. Председателекс кочказь Паршин комсомолецтнэ. Сон эсь роботанзо ушодызе сень эйстэ, што сонсь анокстась ды васеньцекс отлична максызе норматнень „Ворошиловской стрелоконь“ 1-нь ст. значок. Сон лездась 30 курсатнэнь максомс неть норматнень. Сынст ютксо 10 тейтерь-ават. Ней 10 ломанть анокстыть „Ворошиловской стрелоконь“ 2-це ст. значок норматнень максомо.

Аволь ансяк стрелковой теветнэ, истяжо противохимической оборонань теветнэкак парсте аравтызе Паршин ялгась. Сонсь эсь прынзо аноксты ПВХО-нь значок лангс норматнень примамонь коряс инструкторок. Сень кувалт сонзэ ладсо-теи ОСО-нь членэсь Новиков-гак.

Сень кувалт, што ОСО-нь организациясь алкукс парсте роботы—ламоладать сонзэ членэзэяк, ней уш сынст эйстэ 150 ломанть. Сынсь ютавтити промкст, якити военной теветнэ тонавтнемань ды теень коряс практической занятятнэс.

Ив. Пузаков.



Февралень 27-це чистэ топодсь не, седе мейле, зярдо кулось рузонь ине ученоесь-физиологось академикесь И. П. Павлов. Тедиде Павлово велесэ (икеле Колтуши) прыдови биологической од станциянь строительствась. Сесэ, косо икеле ульнэсь модамарьсэ виднэсь паксат, кармасть улема научной покш ошке—гениальной учено-ентень достойной памятник.

СНИМКАСОНТЬ: Кемень несэ подопытной орангутангось Рафаэль реши здачат, ящикень варянтень эрва кодамо покшолмасо палкань кочкесэ Сонзэ вакссо—научной сотрудникесь Штодин ялгась.

Фотось Л. ВЕЛИКЖАНИНЭНЬ.

## Малофеев ды сонзэ мексак а тейнемадо...

Инсаронь педагогической училищасонть комсомолонь организациясь покш, робота жо тосо кодамояк арась. 1936 иень сентябры ко-вдонть мейле те шкас ютавтозь ансяк кавто промкст, сестэяк ульнэсь тосо комсомолецтнэнь эйстэ аламо пельксэсь.

Комитетэнь секретаресь Малофеев седе вадрыак эстензэ лови мексак а тейнеманть. Комсомолецтнэяк уш тонадсть сенень, што сынст пельде кияк мезеяк а веши, роботамо а кармавтни.

Комитетэсь ды сонзэ секретарезэ Малофеев мик эсь снартнеяк содамс, кода тонавтити комсомолецтнэ, косо ды кода ютавтыть ютко шкаст, кода оймсити. Комсо-

молецтнэнь ютксо улити берянь-стэ тонавтният, комитетэсь ды Малофеев а содыть, мекс те истя лисни, мекс комсомолецтнэ полу-чакшныть берянь отметкат.

Зярдо бути комсомолонь организациясонть ульнэсь „легкой кавалерия“. Малофеев сонзэ кадызе каладомо.

Педагогической училищань комсомолонь организациясь ашти ВЛКСМ-нь Инсаронь райкомонть, кода мерить, судонзо ало. Ды райкомовецтнэ а содыть, што тосо арась кодамояк робота, кодамояк лезкс эзть макстне.

Ив. Пузаков.

шей вельхозяйственной школань комсомольской отделениясь лекторокс, свал сезнать занятятнень, эди жо занятятнэ сакшныть апок анокста. Аволь седе вадра теветсь Саратовской областсэ. Тосо меле-сь шкас комсомолонть прятсо ульнэсь истят ломанть, конатнень малавгак а эрви вожднемс воспитательной роботантень.

Кода а жаль, партийной ламо организацият од ломаньтнень воспитаниянь целанек кемевтизь комсомольской роботниктнэнь, седе-стэ мик апок проверятнэнь. Лия вечкевикс „партикрепленнойтне“ эсь прят марить „олясо художникекс“ ды эсист родест ветить торжественной валтнэс почотной президиумсо аштемантень, од роботниктнэнь лавтов ланга шнамонь ваткоёматнэнь.

Од ломаньтнень воспитаниясь—весе партианть тев, стака ды ответственной тев. Советской од ломанень массанть седе покш пельксэзэ эзизе кандо эсинзэ лавтовонзо лангс капитализмань весе ужастнэнь. Седикелень эрямодонть сынсь содыть ансяк книгань коряс ды сыре рабочейтнень ды крестьянтнэнь евтнемаст коряс. Ютазь шканть апок сода, классовой бороцямонь сатышка опыттэме, минек од ломаньтнэнь стака лиясто максомс питне социализмань весе изиявкстнэнь ине-чинтень, Сталинской Конституциянь ине-чинтень, конась кемекстынзе неть изиявкстнэнь. Те, нама, стакалгавты воспитательной роботанть, ве-

ши седе арсезь, седе серьезнойстэ роботамс од ломанень башка слоенть, эрва од рабочеенть ды крестьянтинэнь марто.

Од ломаньтнень воспитаниясь—политической покш задача. Комсомолось тердезь сменань истямо ломанень анокстамо, конатне преданнойтэ родинантень, ине партиантень, кастамс идейной, моральна ванькс, эрва ендю развитой, мужественной ды дерзкойтэ ломанть. Эрви формировамс сознания ды характер неть ломаньтнэнь, конатне ушодызь эрямост социализмань пингстэ, истямо шкасто, зярдо минек родинанть изиявкстнэ кастыть эрва кодат врагтнэнь зверень ненавистест, зярдо весе врагтнэ—троцкистнэяк, фашистнэяк ды правой отщепенецтнэяк—весе, кинень общественной од строесь аноксты калмо, пурнавсть социализманть каршо. Социализманть ды капитализманть ютксо яла пштилгадыця бороцямонь ды од войнатнэнь ды революциянтнэнь малав самонть те обстановкасонтэ касыця поколениянь воспитаниязо—ине ответственностень задача.

Тень эрви чаркодемс комсомолецтнэнь, комсомольской руководителтнэнь, седеяк пек коммунистнэнь, конат роботыть комсомолсонть ды максомс питне те покш кемемантень, конань кем-ми сынст партианть, од ломаньтнэнь воспитаниянь сынст максозь. Комсомолонть эрви саемс большевизмань сех вадра тради-

циянтнэнь ды кандомс сынст од ломаньтнэнь келей массатнэнь. Революционной бдительностэсь ды кшнинь дисциплинась, самокритикась ды демократиясь, массатнэнь марто сюлмавомась ды эсь мельга массатнэнь ветьамо ерок-чись—вана бороцямонь ды роботамонь скупав средстватне, конатнэнь партиань кандынзе колмо революциянтнэнь толонтэ ды бурятнэнь пачк, конатнэнь сон кемексты классомо социалистической обществанть кис бороцямосонтэ.

Советской од ломаньтнэнь ули кинь пельде тонавтнемс касомо ды изнямо. Ленинэнь—Сталинэнь партианть, минек народонть историянзо волнующей страницатне, социализмань—Советской Союзонь—ине родинанть комсь ине героической бороцямонь историясь—вана мезесэ вдохновляет, касты энтузиазманть ды страстной бажамонть эрямс ды бороцямс. Партианть пельде тонавтнэсь, сонзэ мельга апок лоткесе молезь, эрва косо ды эрва зярдо родинанть интересэнзэ сех верьгакс аравтозь, комсомолось тердезь надежной, виевине аванть—Весесоюзной коммунистической (большевиктнэнь) партианть сменань кастомо. Тенень, те сменанть, советской славной од ломаньтнэнь, ашти ине икеле пельксэсь.

(„Правдань“ передовоесь)

Надя Никитина

## А стувтовикс, Серго!

Эрить кувать уцяскав масторсонть, Кадить миненек ламо превть, Весела, уцяскав эрямосонтэ, Тейть миненек ламо тевть. Ютат колхозонь келей паксыва, Марят тракторонь виев ээртэ. Молят заводов, молоткат чавить, Мярвить сынсь масторонть перька. Седикелень чаво таркатнэс, Косо ульнэкснэсть вирть ды

пандт,

Тосо колхозтнэ сокить паксятнэнь, Тосо касыть заводт, гигант.

Ансяк тонь куломась канды покш

ризкс,

Народонть вечкевикс, Серго!

А стувтомс тонь, тонь минек

седейсэ

Эрят вечкиманок, Серго!

И. Атяшкин.

## ПИЧЕ

Минек пиресэ

Касы пичине

Пиченть принесэ

Колмо рашкинеть.

Эрва рашкинесь

Пешксе салмукто,

Эрва тараксэсь

Пиже, мазыйне.

Те пиченть прясо

Эрва валскине,

Моры моронзо

Мазый нармуньне.

Тесэ весела

Морамс нармуньнень,

Седе весела

Кулсонемс сонзэ.

Ваня Ярославкин.

## Вадра, весела эрямс

Морак, морак гармония  
Корязот тейтерть киштити.  
Минек мештьсэнек а стяко  
КИМ-нь значокось палы.

Катя марто Ваня церась  
Рядьсек озадо аштити.  
Ваня седи, Катя моры—  
Цеца пусмокс сынсь цветити.

Коданя а кецямс ялгай,  
Мекс а киштемс а морамс?  
А стяко мерсь Сталин ялгась  
Вадра, весела эрямс!

1937 ие.

И. Агапов

## МОРОТ ТУНДОДО

Курок ашо ловось солы,  
Пижелгадыть сюротне.  
Верьга лембе мастор ендю  
Мекев ливтити нармунтне.

Зяро мазый цецят цветити  
Келей, пиже лугаванть.  
Сталин минек эйсэ вети  
Ленин ялганть киява.

Минек садсо умаринат  
Ашо парсеекс цветити.  
Знатной тейтересь Марина  
Трактористкак роботы.

## Сталинской Конституциянь тонавнемс отличнасто

Чамзинкань район. Хлыстовка велень аволь полной средней школань тонавтниятне пек покш мельсэ ловнызь СССР-нь Совнаркомонь председателень Молотов ялганть телеграмманзо средней школоса Сталинской Конституциянь тонавтнемадонзо.

Тонавтниятне максты вал, што Сталинской Конституциянь тонавтнемадонзо коряс сынст отметкаст кармить улема ансяк „отлична“.

Н. Калеев.



## Тонавтницятненень евтни Ленинэнь ды Сталинэнь роботадост

Дубенкань район. И. В. Ассанов тонавты Кенде велень аволь полной средней школасо. Сон, эсинэе уроктнеде башка, вети воспитательной работа. Тонавтницятненень евтнекшни Ленинэнь ды Сталинэнь эрямодост, революционной роботадост ды седе, кода сынст ветямост коряс минек масторсонть изнясь социалистической революциясь, кода Сталин ялганть ветямонзо коряс минек ине народось строи социализманть.

Ассанов ялгась тонавтницятненень евтнекшни минек ине писательнень творчестводост. Пек интересной доклад тейнесь Маяковскийде. Ассанов ялгась лездась школасонть организовамс литературной кружок. Сонэе инициативанзо коряс организоваз струнной оркестра, конась тейнесь выступления районсонть художественной самодеятельностень олимпиадасонть.

П. С.

## Ловнома кудосонть парсте аравтозъ роботась

Ромоданово. Социалистической культурань районной кудосонть панжозь парсте теезь читальня. Од ломантне тосо ютавти эсист ютко шкаст. Налксекшнить шахматсо, шашкасо, ловнокшнить книги, газетат ды журналт.

Ловнома кудось потмо ендю мазыгавтнез, стенатнесэ минек вождгнень портретэс. Тосо ули А. С. Пушкинэнь ашо бюст, сонэе малава теезь покш монтаж, косо невтезь ине поэтичесь эрямозо ды деятельностисэ.

Заведующеесь К. С. Ермошкина ялгась махонть парсте аравтомс ловнома кудонть весе роботанзо. А стяко од ломантне пек бажить тов модемс. Бути сынст эряви кодамож книга, Ермошкина ялгась тест муи. Сон теи весе сень, штобу ловнома кудосонть од ломантненень ютко шкаст ютавож мазыгасте, веселасто, интереснойста.

Вл. Ананьин.

## Бороцямс 15 центнерт мушконь кисэ

Чамзинкань район. Районной звеноводонь совещаниясо мушконь звенань старшей звеноводитнэ сайсь эсь лангозост обязательстват 1937 иестэ саемс вейке гектарсто урожай 15 центнерт мушко.

Мария Печказовань опытезь невти, што мушко гектарсто 15 центнерт можна саемс. 1936 иень пек берянь климатической условиясо Мария Печказова стахановской методсо роботазь эсинэе звенанзо марто сайсь урожай вете гектарсто, конатне мельга сонэе звенась якась, 10 центнерт 48 килограммт эрва гектарсонть.

Совещаниясонть ульнесь ваннозь саезь обязательстванень топавомась ды сетие, конатне стахановско-печказовской роботасост бороцясть мушконь покш урожаень кисэ ульнесь премироваз: Печказова, Панюшкина, Дергунов, Лобанов ды лият. Неть ялгатне сайсь эсь лангозост обязательства—1937 иестэ бороцямс сень кисэ, штобу гектарсто саемс мушко 15 центнерт.

И. Симдянов.



Испаниянь народонтень США-нь трудицятненень лездомост. Снимкасонть: Нью-Йорконь робочейтне сортировить одижат, конатненень пурнызь Нью-Йорконь трудицятненень пельде республиканской Испанияв кучомаст туртов.

Фотось Союзфотонь.

## Испаниянь военной фронтнэсэ

Эшо аволь пек умок Мадридской фронтсонть, Харама леенть малава мольт пек виев бойть. Ней тосо кармась улеме сатьме. Мартонь 1-це чистэнт сатьме ульнесь весе фронтнэсэ. Мартонь 1-це чинть каршо вестэнт республиканской войскане атаконь чивалгома ено парконть (Мадридэнт пелеве марто чивалгома ено пельксэнт), мятежникинень ютксто маштсь ды ранясть ламо ломанть. Республиканецтиэ сайсь противникент боеприпаст. Февралень 28-це чистэнт ды мартонь 1-це чистэнт мятежникинэ тейнесь атака Мадридэнт пеле чивалгома ено окраинасонть, французской седэнт ды Университетской ошкенть маласо, сын снартинь сеземс пирявксонть, конасынст перька яла седеж пек кемелгады университетской ошкесэнт. Республиканецтиэ куруксто ды шождынестэ тапизь те атаканть, мейле тейсь контратака ды седе вадрылгавтызь эсист позицияс.

Астурийской фронтсонть, ловонть ды пиземтненень лангс алак

вано, астурийской горняктэ нейгак яла бой марто сайнить Овиедо ошонть мятежникинэ кемекстаз пуктост.

Пеле чивалгома (южной) фронтсонть республиканской войскане таго ушодызь икелев эцемаст Гренада ошонть маласо. Меельсэ чинтестэ республиканецтиэ таго нельгсь мятежникинэ кедесть 8 велеть. Эрицятне, конат оргодекшнестэ велетнестэ ды кекшнестэ пандотненень юткова, штобу тосто тревожамс мятежникинэ, ней мекев саст эсист велетнес. Республиканецтиэнь высшей командованиясь яволятсь, што олякстомтозь территориянть лангс кармить ванстомс вишка собственниктиэнь правасть. Модавтомо ды аламо мода марто крестьянтинэнь улит сеть модатне, конатненень кадызь фашистской помещиктиэ. Те мероприятиясь пек кастызе крестьянтинэнь мелест ды сын седей марязь вануть республиканской войскане икелев эцемаст мельга.

(ТАСС).

## Горшенин ды Нестеров—сех паро пропагандистт

ВЛКСМ-нь Чамзинкань райкомсонть ютавтозель од программань коряс ВКП(б)-нть историянзо комсомолсо тонавтиемадонть весе пропагандистинэ совещания. Пропагандистинэ евтнест эсь роботадост.

Совещаниясь невтизе, што Горшенин ды Нестеров ялгатне—районсонть сех паро пропагандистт. Горшенин ялгась тонавти Чамзинкань средней школасонть, сон отличник. Партиянт историянзо тонавтиемань кружоксонть од программанть коряс ютавтсь кото занятия. Сон тейсь истя, што конат тонавти те кружоксонть, занятиянэс сакшнить весе ды па-

рсте ажокстаз. Макшнить виде ответт весе кевкшнематненень лангс.

Горшенин ялгась сонсь парсте анокстакшны эрва занятиянень. Ловны весе эрявикс литературанть, тейни конспект. Конспектэст улит весе тонавтицятненягак. Горшенин ялгась эрва занятиядонть икеле ванкшны сынст конспектнэнь, тейни витевкст, тонавтицятненень чаркодевикстэ толковасы се вопросонть, конаньсэ сон теи ильведк. Занятиянэсэ макшни виде ответт тонавтицятненень а чаркодевикс вопроствань коряс. Занятиянэ ютнить интереснойста.

Истяжо парсте роботы Нестеров ялгаськак. И. Боярский.

## ПАРСТЕ РОБОТЫ ПИОНЕРОРГАНИЗАЦИЯСЬ

П. Березникень район. Шугурова велень полной средней школань пионерорганизациясонть парсте ладязь пионертнэ ютксо роботась. Пионертнэ толковить эсист ютксо

Испаниясо событиянде, ловныть коллективна газетат журналт ды лият.

Семенов П. И.

## Советской масторга

\* Февралень 28-це чистэ Московов сась Литва, Латвия ды Эстонияв якамсто РККА-нь Генеральной Штабонь начальникесь Советской Союзонь маршалось А. И. Егоров ялгась.

\* Февралень 28-це чистэ Московов саст Испаниянь революционной литературань неавикс представительтне—Рафаэль Альберти поэтезь ды Мария Тереза Леон писательницась.

\* КВЖД-нть кис пандомань счете СССР-нь Наркомвнешторгось теиде Япониясто получи 214 эрва кодат суднат. Теде башка улит получазь товаро-пассажирской 6 пароходт, виев 2 лесовозт ды 1 теплоход.

\* Режиссер-орденоносецсь А. Довженко ялгась ушодызе Украинасо „Щорс“ фильмань сьемканть. Теезь уш васене эпизодонь сьемкась—Десна леенть ды седент саемазо.

Кода содасынек, Довженко ялгась роботы те фильманть лангсо Сталин ялганть прямой заданиянзо коряс.

## Васенце урок

Февралень 23-це чистэ Чамзинкань средней школасо васенцеде ульнесь ютавтозъ Конституциянт коряс занятия. Учителесь Нестеров Михаил Иванович евтнэзе, мезе те государствасы ды кить икеле ульнестэ сонэе правтсо.

Урокось ютась интереснойста. Тонавтицятне уроконт прядома малав тейнест беседа, косо пениясть дирекциянт лангс сень кис, што шкадо икеле эзь ульнестэ Конституциянт коряс уроктнэде, мезень коряс васень занятиянэсэ киньгак арасель анокстаз тетрадьт ды лекциянт коряс кодаткак сермадовкст теймс эзь саво.

Н. Симдянов.

## ВАДРЯСТО АРАВТОЗЪ ВОЕННОЙ ТЕВС ТОНАВТНЕМАСЬ

Муздравучилищасо вадрясто аравтозъ военной теветнэ коряс преподаваниясь. Тонавтицятненень эйстэ ламот максызь норматненень ПВХО-нь значок лангс. Ней тонавтицятненень противогазонть ды винтовканть. Весе тонавтицятненень ули пек покш мелест максомс норматненень Ворошиловской стрелок значоконть лангс.

В. Борисов.

## ОД ЛОМАНТНЕ ТОНАВТИТЬ ВОЕННОЙ ТЕВЕНТЬ

Покш Березникень район. Косогор велень аволь полной средней школасонть комсомолецтиэ инициативаст коряс организоваз военной кружок. Ютавтозъ занятиянэсэ ушодызь винтовканть тонавтиеманзо, мейле кармить тонавтиемэ противогазонть. Эйкакштинэ анокстыть сень, штобу максомс „юной ворошиловской стрелоконь“ значокс норматненень.

Мокшов Николай.

Отв. редакторсь М. ЛЮПЕВ